

MVP 2.0

REZUMU DI PRUSESU

Pa ikipas prinsipal di MVP 2.0

2025 - 2026



MVP

Municipal Vulnerability
Preparedness

Uza MVP 2.0 pa ...

Reforsa kapasidadi di rezistênsia di kumunidadi pa mudansas klimátikus

Sidasis y vilas di Massachusetts sta ta identifika vulnerabilidadi klimátikus y trabadja pa aumenta reziliênsia di kumunidadi. Prugrama MVP 2.0 ta aumenta trabadju ki kumunidades ten fetu ti data y ta apoia kumunidades ku **novus métodus, feramentas y rekursus** pa kria riziliênsia.

Prugrama MVP ê jiridu pa Massachusetts Executive Office of Environmental Affairs (EEA). Djobi [site di MVP](#) pa mas detalhis.

Kuzê ki ê reziliensia di kumunidadi?

Riziliensia di kumunidadi ê kapasidadi di un kumunidadi pa da resposta di nesesidadis di ses abitantis, zonas, ekosistemas y infrastruktras, pa antisipa, infrenta y rekupera di riskus di mudansas klimátikus.

Riskus podi inklui tenperaturas mas kenti, kondisons meteriolójikus stremus, subida di nível di mar, inundasons, txubas mas intensus y otus inpaktus.

Kumunidades rezilientis ka ta limita a rekupera - es ta midjora senpri na reduson di inpaktus di futurus riskus klimátikus.

Na MVP 2.0 bu ta ben:

- Konvoka un **ikipa prinsipal** pa lidera prusesu MVP 2.0 na bu kumunidade
- Resebi **formason** sobri kriason di riziliênsia klimátiku, ikuidadi y justisa klimátiku
- Revizita prioridadi di riziliênsia di bu kumunidade **ku partisipason di kumunidade en jeral**
- Trabadja djuntu pa dizenvolvi y **implimenta un prujetu simenti** ki ta reforsa reziliensia di kumunidade, ku finansiamentu garantidu pa izekuson
- Pratika un prusesu ki podi ser reproduzidu pa **futurus finansiametus di subsídus** (Subsídus di ason MVP)

Kenha ki sta na ikipa prinsipal?

Bu ikipa prinsipal ta ben ser konpostu pa un des algên, inkluidu funsionáriu munisipal

y ilementus di kontatu di kumunidade. Kontatus di kumunidade ê menbrus di kumunidade ki tèn fortis ligason ku justisa ambiental ô otus populasons prioritáriu. Na kazu di kumunidade pikinoti sen funsionáriu munisipal pagu, "funsionáriu munisipal" podi inklui menbrus di kumunidade ki ta disenpenha munti bes un papel di tipu di funsionáriu munisipal.

Kuzê ki ê un prujetu simenti?

Un prujetu simenti ê un prujetu skodjedu pa ikipa prinsipal ki ta ben fazi avansa prioridadi

di riziliensia di kumunidade y ki podi ser inkluidu na 9-10 mês. Kumunidade ta ben resebi \$50,000 pa kompleta un prujetu simenti. (Prujetus rijional ta resebi \$50.000 pa kumunidade.)

Konseitu prinsipal #1

Pupulasons ku justisa ambiental

Justisa ambiental ta rekunhesi ma alguns grupos algên ten asesu a menus binifísius ambiental y sta spostu a danus ambiental mas grandi, pamodi diskriminason rasial, disparidadis ikunómikus ô izulamenti linguístiku. Na kumunidade di Massachusetts, Pupulasons ku justisa ambiental ê árias jiográfikus spesífikus ki ta kunpri un ô mas kritérius baziadus na rasa, na rendimentu ô na línguas faladu.

Vizita Massachusetts [Vizualizador di mapas EJ](#) pa djobi zonas di EJ na sê bu kumunidade, rijion ô stadu.


Konseitu prinsipal #2

Pupulasons prioritárius

Pupulasons prioritárius ê algên ô kumunidade ki podi ser afetadus di manera disruporsionadu pa mudansas klimátikus pamodi sirkunstansias di vida ki ta aumenta ses spuzisons a riskus klimátikus ô ta difikulta resposta. Paralén di fatoris ki ta kontribui pa statutu di justisa ambiental (ô seja rendimentu, rasa, y língua), otus fatoris sima kapasidade fíziku, asesu a transportis, saúdi y idadi podi indika si algên ô sê kumunidade ta ben ser afetadus di manera disruporsionadu pa mudansas klimátikus. Keli ê pamodi fatoris subjacentis, sima diskriminason rasial, dizigualdade ikunómikus ô bareras di asesibilidadi ki ta kria vulnerabilidadi.

Termu pupulasons prioritárius ta rekunhesi ma nesesidade di algên ku spriênsias y kunhesimentus debi ser priorizadu na dizenvolvimentu di sulusions di riziliensia pa diminui vulnerabilidadi a mudansas klimátikus. **Tudu munisípius ten pupulasons pprioritárius, mezmú ki es ka ten un zona di justisa ambiental mapiadu.**

Vizon jeral di prusesu



Fazi 1 (5 mês)

Dizenvolvi un ikipa prinsipal

- (1) Kumesa ta fazi bu ikipa
- (2) Identifika spriênsia vividu
- (3) Rekruta restu di bu ikipa

Fazi 2 (6 mês)

Rivizita prioridadis di riziliênsia

- (4) Kumesa kulaburason
- (5) Diskubri riziliensia susial
- (6) Revizita prioridadis di riziliênsia di kumunidade

Fazi 3 (13 mês)

Inplimenta un prujetu simenti

- (7) Skodji un prujetu simenti
- (8) Dizenvolvi un planu di inplimentason
- (9) Inplimenta un prujetu simenti
- (10) Refleson, ajustamentu y prósimus pasus

Kenha ki sta involvidu?

Li sta un diskrison di funsons diferentis.

Funsons na kaxa laranja ê kes ki ta konpoi bu ikipa prinsipal. Tudu kês otu ta poia bu ikipa prinsipal.

Jestor di prujetus munisipal - keli ê algên di funsionáriu munisipal ki ta djuda kordena prujetu. Es ta ben trabadja di pertu ku Furnesedor di planiamentu y Parseru di kapital pa apoia prusesu y kordena lujístika di ladu munisipal.

Menbrus di ikipa munisipal prinsipal - Kês li ê menbrus di funsionáriu munisipal di bu ikipa prinsipal. Ê bon ten funsionáriu ki ta interaji senpri ku kumunidade. Na kazu di munisípius pikinoti, kês menbrus di ikipa li podi ser voluntáriu munisipal. Voluntáriu munisipal podi ser pagadu através di subsídus.

Menbrus di ikipa prinsipal di kontaktu kumunitáriu

- Kontaktus kumunitáriu ê menbrs di ikipa prinsipal ki ten ligasons fortis ku justisa ambiental y otus populasons prioritáriu na bu kumunidade ô rijion y ki podi djuda lidera ô fasilita kontatu ku kês kumunidades li. Kontaktus kumunitáriu ê konpensadu pa sês tenpu através di subsídus.

Sósiu di kapital - Kada munisípiu ô rijion na programa MVP 2.0 ê asusiadu a un parseru di kapital. Parseru pa ikuidadi ta djuda da formason y orientason sobri perguntas sima involvimentu inkluzivu y forma di midi inpaktu di prujetus na ikuidadi.

Furnesedor di planiamentu - Kada munisípiu ô rijion ta ben kontrata un Furnesedor di planiamentu na pasu 1. Furnesedor di planiamentu ta ben ser jestor di prujetu pa pasus 2-8 (ti implimentason di prujetu simenti) Furnesedor di planiamentu ta ben fasilita konversas, ta ben kordena lujístika y ta ben supervizona konkluzon di rezultadus.

Konsultor temátiku - Ikipas prinsipal podi rekori a un konsultor temátiku pa pasu 8, pa djuda konselha bu planu di implimentason di prujetu simenti. Un parti pikinoti di finansiamentu di subsídus ê pa apoia un konselheru konsultor temátiku.

Furnesedor di implimentason - Furnesedor di implimentason ê algên ô ikipa ki munisípiu ta ben kontrata pa implimenta sês prujetu simenti na pasu 9

Kordenador rijional di MVL - Kordenadoris rijional di MVP (RCs) ê funsionáriu di stadu ki podi respondi perguntas y da apoia duranti kaminhu.

Konseitu prinsipal #3

Sentra ikuidadi

Prusesu MVP 2.0 ta foka ikuidadi na konstruson di riziliênsia di kumunidadi. Sentra ikuidadi signifika da un atenson spesífiku, inda mas grandi, pa nesesidadis di algên ki ta ben ser mas afetadu pa mudansas klimátikus y garanti ma rezultadus ta binifisia direktamenti kes kumunidades li. Pa foka ikuidadi, disizons relasionadus ku kel ki ê mestedu pa kria riziliensia debi ser moldadu, infurmadus ô lideradus pa algên ki ta ben ser mas afetadus pa inpaktus di mudansas klimátikus. Djobi pájina 4 pa konsidera kenha ki podi ser mas afetadu pa mudansas klimátikus na bu kumunidadi.

Ora ki nu ta fazi sulusions pa "tudu menbrus di kumunidadi" sen pensa na manera ki sulusions ta ben binifisia ô diminui dadus pa algen mas afetadus pa inpaktus klimátikus, nu ta kaba munti bes pa reforsa dizigualdadi y vulnerabilidadi na nos kumunidades. Sentra ikuidadi ê isensial pa kria kumunidades mas fortis y rizistentis.

Konseitu prinsipal #4

Spriensia vividu

Spriensia vividu ta rifiri a spriensia diretu, na primeru mon, ki ka ta obtedu através di un aula ô di un livru didátiku. Ta inklui kunhesimentus y spriênsia sobri problemas, nesesidadis y stratéjias putensial pa dizafius spesífikus resebedu através di spriênsia di dia dia - ker na asuntu di inseguransa abitacional, inseguransa alimentar, asesu limitadu a kuidadus di saúdi, bareras linguístikus, bareras di transporti ô spriensia ku formas di dizigualdadi ô inasesibilidadi, pur izenplu. Spriensia vividu ta inklui kunhesimentus stórikus, spriênsia na terenu y spriênsias relevantis ki ê fundamental pa informa sulusions di riziliensias di kumunidadi.

Fazi 1

Dizenvolvi un ikipa prinsipal

Na kel fazi li, bu ta ben fazi un ikipa ki ta ben trabadja djuntu pa reforsa riziliensia di kumuniadi na bu sidadi ô rijion.

Kel fazi li ta dura uns 5 mes (mes 1-5 di prusesus).

Pasu 1 Kumesa ta fazi bu ikipa

Prazu: 1-2 mës

Na Pasu 1, jestor di prujetu munisipal ta rekruta funsionáriu munisipal pa integra ikipa prinsipal. Si bu kumunidade for pikinoti dimas, kes li podi inklui voluntáriu munisipal (ki podi ser pagadu pa partisipa na kel prujetu li). Jestor di prujetu munisipal tanbê ta kontrata un furnesedor di planiamentu (un konsultor) pa apoia prusesu.

Si bu ê **menbru** di ikipa prinsipal, ê gosi ki bu ta ben pa pruseu!

Pasu 2 Identifika spriênsia vividu

Prazu: 1 mës

Na pasu 2 menbrus di ikipa sentral munisipla ta analiza dadus di kumunidade pa intendi midjor kenha ki ta mora y trabadja na ses kumunidade y kenha ki ta ben ser mas afetadu pa mudansas klimátikus. Komu parti di kel prusesu li, es ta identifika perspetivas ki ta ben ser inpurtanti inklui na ikipa prinsipal komu ilementus di ligason ku kumunidade.

Pasu 3 Rekruta restu di bu ikipa

Prazu: 2 mës

Menbrus di ikipa munisipal prinsipal ta identifika y ta rekruta kontaktus di kumunidade pa ikipa prinsipal. Alguns aburdajens podi inklui publikason di un diskrison di funsons, kontata organizasons kumunitáriu lukal y papia ku algên na spasus públikus undi algên di bu kumunidade ta kontra. Sósiu di kapital di bu ikipa ta ben djuda integra ikipa y garanti ma tudu algên ten apoiu mestedu pa partisipa na prusesu. Antis di avansa, rezerva un tenpu pa fazi un “Meet & Greet” komu un ikipa kompletu!

Si bu ê **kontaktu** kumunitáriu di ikipa prinsipal, ê gosi ki bu ta ben pa pruseu!

Fazi 2

Rivizita prioridadis di riziliênsia

Na kel fazi li, bu ta ben invistiga fatoris ki ta kontribui pa vulnerabilidadi ô riziliensia di algên na bu kumunidade. Dipos, bu ta ben uza bus konkluzons pa atualiza prioridadis di riziliênsia di bu kumunidade

Kel fazi li ta dura uns 6 mes (mes 6-11 di prusesus).

Pasu 4 Kumesa kulaburason

Prazu: 1 mês

Na Pasu 4, ikipa prinsipal ta fazi alguns atividades di formason di ikipas. Objetivu ê preni mas sobri prusesu MVP 2.0, konxi kunpanheru y konstrui un bazi pa trabadja djuntu ku un ikipa. Kês atividades li ta ben ser fasilitadu pa sê furnesedor di planiamentu y parseru di kapital.

Pasu 5 Diskubri riziliensia susial

Prazu: 3 mês

Dipos, komu ikipa, nhos ta kumesa ta invistiga fatoris ki ta kontribui pa vulnerabilidadi ô riziliensia di algên na bu kumunidade. Bu ta ben uza "Kaminhu pa riziliensia susial," ki ta poi kestons orientadoris sobri temas sima abitason, transportis, alimentason y água. Bu ta ben kumesa pa kompleta infurmasons ta uza dadus di kumunidade y di klima y kunhesimentus di ikipa. Dipos, ta ben plania y implimenta atividades di sensibilizason y involvimentu di kumunidade pa rekolhi mas infurmasons. Bu parseru di ikuidade ta ben da formason sobri manera di pensa na ikuidade klimatiku na bu kumunidade y na involvimentu inkluzivu.

Pasu 6 Revizita prioridadis di riziliênsia

Prazu: 2 mês

Bu sidadi identifika prioridadis di riziliensia di kumunidade durante prusesu di planiamentu MVP 1.0 (pruvavelmenti 5 anu atrás). Bu objetivu pa pasu 6 ê reve kes prioridadis li y atualizas ku bazi na novu infurmason ki bu rekolhi sobri kuzê ki ta ben ser mestedu pa kria riziliensia na bu kumunidade. Dipos, bu ta ben kontakta kumunidade pa resebi feedback sobri prioridadis atualizadus y ajustal, si mestedu.

Fazi 3

Inplimenta un prujetu simenti

Na kel fazi li, bu ta ben identifika, dizenvolvi y ta ben inplimenta un prujetu simenti ki ta ben fazi avansa prioridadi di riziliensia di bu kumunidade.

Kel fazi li ta dura uns 13 mes (mes 12-24 di prusesus).

Pasu 7 Skodji un prujetu simenti

Prazu: 1 mès

Na pasu 7, ikipa prinsipal ta identifika un ti trê putensial ideias di prujetus simenti ki podi apoia sês prioridadi di riziliensia. [Konsulta manual di riziliensia klimátiku munisipal](#) y asons a konsidera y studus di kazu na [GEAR](#) pa ideias. Dipos, bu ta ben kontakta kumunidade pa resebi feedback sobri pusível ideias di prujetus simenti y skodji un pa avansa.

Pasu 8 Dizenvolvi un planu di inplimentason

Prazu: 1 mès

Dipos, komu ikipa , bu ta ben dizenvolvi un planu di inplimentason pa bu prujetu simenti. Bu parseru di ikuidadi ta ben da orientason sobri manera di midi inpaktus di prujetus na ikuidadi. Ten un parti pikinoti di finansiamentu pa kontrata un Konsultor temátiku pa djuda akonselha na dizenvolvimentu di bu prujetu. Antis di kumesa pasu 9, bu jestor di prujetu munisipal ta ben lidera prusesu di kontratason di un furnesedor di inplimentason pa inplimenta prujetu simenti.

Pasu 9 Implimenta un prujetu simenti

Prazu: 10 mès

Na pasu 9, bu ta ben implimenta prujetu simenti! Ikipa prinsipal ta ben trabadja ku furnesedor di inplimentason pa implimenta prujetu duranti un 9-10 mès.

Pasu 10 Refleson, Ajustamentu, Prósimum pasus

Prazu: 1 mès

Na fin, bu ta ben refleto sobri kuzê ki kori dretu y kuzê ki bu ta binha fazeba diferenti na futurus prujetus di riziliensia! Kumemora tudu kuze ki bu fazi y pensa na otus prujetus ki bu podi fazi através di MVP [finansiamentu](#) di subsídiu di ason.

MVP 2.0

resilient.mass.gov/mvp